



Broj: 01/01-368-7/6-2025
Sarajevo, 07.07.2025. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), na Preporuku Komisije za javnu nabavku, broj: 01/01-368-6/6-2025 godine od 04.07.2025. godine u postupku nabavke roba: **HEMIKALIJE, LOT 1 – Opšte hemikalije**, Dekan Univerziteta u Sarajevu Prirodno-matematičkog fakulteta je donio

ODLUKU

o izboru najpovoljnijeg ponuđača u otvorenom postupku za dostavu ponuda

Član 1.

Prihvata se Preporuka Komisije za javnu nabavku, 01/01-368-6/6-2025 godine od 04.07.2025. godine i ugovor za nabavku roba: **HEMIKALIJE, LOT 1 – Opšte hemikalije** dodjeljuje se ponuđaču „**Semikem**“ d.o.o. Sarajevo, čija ukupna cijena ponude iznosi 12.500,00 KM bez PDV-a, kao najbolje ocijenjenom ponuđaču.

Član 2.

Izabrani ponuđač je u sklopu svoje ponude dostavio dokaze tražene tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude, stoga se oslobađa obaveze dostavljanja istih.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 01/01-368/3-2025 od 04.06.2025. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **HEMIKALIJE, LOT 1- Opšte hemikalije**.

Za provođenje postupka predmetne javne nabavke, Odlukom broj: 01/01-368/4-2025 od 04.06.2025. godine imenovana je Komisija za provođenje postupka javne nabavke.

Obavještenje o nabavci broj: 29340-1-1-31-3-32/25 objavljeno je na Portalu javnih nabavki dana 04.06.2025. godine.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 25.06.2025. godine, tendersku dokumentaciju preuzeli slijedeći potencijalni ponuđači: INSTRUMENTS, EKAPIJA DOO, BBS EUROPE, ELTA 90 MB D.O.O., INNOVI DOO,

KEFO D.O.O. ISTOČNO SARAJEVO, SINEKS LABORATORIJA D.O.O. BANJA LUKA, ANALITIKA D.O.O. SARAJEVO, SEMIKEM D.O.O. SARAJEVO, MIKRO+POLO D.O.O., PROIZVODNJA I TRGOVINA „PHARMAMED“ D.O.O. TRAVNIK, MPS LAB D.O.O., HELIA, AB MEDIC D.O.O, BERG DOO i BOSNA-VET DOO.

Iz Izvještaja o pitanjima i odgovorima u periodu koji je ostavljen za dostavljanje ponuda, vidljivo je da nije bilo upita niti njeasnoća u vezi TD.

Iz Zapisnika o otvaranju ponuda vidljivo je da je Komisija za javne nabavke dana 25.06.2025. godine sa početkom u 10:30 sati po redoslijedu zaprimanja izvršila javno otvaranje blagovremeno prispjelih ponuda slijedećeg ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	SEMIKEM d.o.o. Sarajevo ”	Da	01/01-368-2/6-2025	19.06.2025. u 09:55h
2.	MIKRO+POLO“ d.o.o. Sarajevo	Da	01/01-368-3/6-2025	24.06.2025. u 10:13 sati

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda dana, 25.06.2025. godine proslijeđen elektronskim putem (E-mail-om) ponuđačima koji su blagovremeno dostavili ponudu.

Komisija za javne nabavke sastala se 25.06.2025. godine sa početkom u 10:30 sati, radi pregleda i ocjene ponuda, odnosno da bi utvrdila da li su ponuđači ispunili uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponudu u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Nakon pregleda i ocjene ponude, Komisija za provođenje postupka nabavke utvrdila je da ponude ponuđača **SEMIKEM d.o.o. Sarajevo i MIKRO+POLO d.o.o. Sarajevo** ispunjavaju sve minimalne uslove za kvalifikaciju tražene tenderskom dokumentacijom.

Kao što je navedeno u Tenderskoj dokumentaciji i Obavještenju o nabavci broj: 29340-1-1-31-3-32/25 od 04.06.2025 za predmetnu nabavku predviđeno je provođenje E-aukcije kroz sistem E-nabavke.

Ugovorni organ je u skladu sa podzakonskim aktima, zakazao održavanje E-aukcije za kvalificirane ponuđače za dan 04.07.2025. godine sa početkom u 11:00 sati.

Komisija za provođenje postupka javne nabavke je u Zapisniku o pregledu i ocjeni ponuda sačinila početnu rang listu ponuđača koji su pozvani da učestvuju u E-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1	SEMIKEM d.o.o. Sarajevo	4200003250001	17.867,00	1
2	MIKRO+POLO d.o.o. Sarajevo	4201572320006	18.376,00	2

Iz Izvještaja o toku i završetku E-aukcije vidljivo je da je E-aukcija kvalifikovanih ponuđača započela dana 04.07.2025. godine sa početkom u 11:00 sati i ista okončana navedenog dana u 11:18 sati.

Iz Izvještaja o toku i završetku E-aukcije vidljiva je konačna rang lista ponuđača koji su učestvovali u E-aukciji:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	SEMIKEM d.o.o.	4200003250001	12.500,00	30,04% **	1
2	MIKRO+POLO d.o.o.	4201572320006	12.750,00	30,62% **	2

Nakon E-aukcije Komisija za provođenje postupka javne nabavke je na osnovu Izvještaja o toku i završetku E-aukcije u Zapisniku o pregledu i ocjeni ponuda konstatovala da je najpovoljnija ponuda ponuđača **Semikem d.o.o.** čija konačna cijena ponude nakon E-aukcije iznosi **12.500,00 KM bez PDV-a**.

Shodno navedenom, Komisija je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu -Prirodno-matematičkog fakulteta da se u predmetu nabavke **HEMIKALIJE – LOT 1 – Opšte hemikalije donese Odluku o dodjeli ugovora ponuđaču SEMIKEM D.O.O SARAJEVO.**, čija cijena ponude iznosi **12.500,00 KM bez PDV-a**.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Prilog:

- Zapisnik o pregledu i ocjeni ponuda

Akt obradila: Adna Šišić, MA pralja

Dostaviti:

- Ponuđačima
- Dosije nabavki
- a/a

